

16 JAN 1999

Mahathir-Rumah Terbuka

MAHATHIR DAN PAK LAH ADAKAN RUMAH TERBUKA

KUALA LUMPUR, 16 Jan (Bernama) -- Perdana Menteri Datuk Seri Dr Mahathir Mohamad dan timbalannya Datuk Seri Abdullah Haji Ahmad Badawi masing-masing akan mengadakan rumah terbuka pada hari pertama Hari Raya Aidilfitri.

Dr Mahathir akan mengadakan rumah terbuka di kediaman rasminya di Sri Perdana, Jalan Damansara.

Menurut satu kenyataan dari pejabat Perdana Menteri, waktu rumah terbuka itu ialah antara pukul 10 pagi hingga 12.30 tengah hari dan pukul 2.30 petang hingga 6 petang.

Sementara itu Abdullah pula akan mengadakan rumah terbukanya di Pusat Dagangan Dunia Putra (PWTC) dari pukul 10 pagi hingga 1 petang untuk orang kenamaan dan dari pukul 2 hingga 5 petang bagi orang ramai.

Umat Islam dijangka menyambut Hari Raya Aidilfitri pada Selasa (19 Jan) kerana berdasarkan kiraan falak, mereka akan berpuasa selama 30 hari tahun ini.

Bagaimanapun Penyimpan Mohor Besar Raja-raja akan mengumumkan tarikh Hari Raya pada malam esok (17 Jan).

Sementara itu Menteri Perpaduan Negara dan Pembangunan Masyarakat Datin Paduka Zaleha Ismail akan mengadakan rumah terbukanya di Dewan Serbaguna, Jalan Sungai Tua, Selayang mulai pukul 11 pagi hingga 3 petang pada 24 Jan.

Menteri Pendidikan Datuk Seri Mohd Najib Tun Razak pula akan mengadakan rumah terbuka di kediamannya di No. 11, Jalan Langgak Duta, Off Taman Duta di sini mulai pukul 8 hingga 11 malam pada 29 Jan.

Ketua Penerangan Umno Datuk Dr Yusof Nor yang juga anggota exco kerajaan negeri Terengganu akan mengadakan rumah terbuka di kediamannya di Kampung Air Tawar, Besut, Terengganu mulai pukul 10 pagi hingga 2 petang pada 20 Jan.

Sempena hari raya tahun ini juga, Kementerian Kebudayaan, Kesenian dan Pelancongan turut mengadakan rumah terbuka di Muzium Negara mulai pukul 10 pagi hingga 5 petang pada 20 Jan.

-- BERNAMA

AFY RON